

辨僞叢刊之一

四部正譌

明胡應麟著

顧頡剛校點

四部正譌

三卷

明胡應麟著

顧頡剛校點

辨僞叢刊之一

樸社出版

序

自從民國九年我和適之、玄同兩先生計畫編印辨僞叢刊以後，我便購得胡應麟的少室山房筆叢，把其中四部正譌一種標點好了。歲月遷流，忽忽十載，還是壓在我的書箱裏沒有動。這回到北平來，始抽出三四天工夫，把往年所標點的審查了一過，又到北平圖書館去把文津閣四庫全書本校對了一遍。於今由樸社出版了。

本書作者胡應麟，字元瑞，自號少室山人，又號石羊生，是明代浙江蘭谿縣人，生于嘉靖三十年（辛亥，公元一五五一）卒不詳，只知道在萬歷四十六年（戊午，一六一八）之前。（少室山房類藁爲江湛然所輯，江氏序云，

『適視琢茲士，而元瑞已騎雲煙去我而游寥廓。』此序作於萬歷戊午。

他一生的事蹟，因為沒有一篇詳細的傳，所以知道得不多。王世貞雖曾替他做過一篇石羊生傳，但這是他三十八歲時生病，怕早死，所以請王氏做的；實在他的壽有六十多歲呢。類藁是他的文集，而且刻在死後的，當然鈎索得出他的中年以後的行狀，可惜這部書極難覓，各處圖書館都未收藏；適之先生曾于九年前一遇，終以書估索價太高而脫手了。明史中固然也有他的傳（卷二八七，文苑三，附王世貞傳後），但簡略得可憐。綜合所得的材料，知道他幼年喜爲歌詩，十五歲（嘉靖四四）入縣學，二十六歲（萬歷四）中舉人。久而不第，築室山中，藏書四萬餘卷，手自編次。當他三十八歲時，已著書十八種，一百五十卷；蒐輯書六種，三十六卷；類萃書四種，六百十二卷。（詳目見石羊生傳）這確是一個驚人的數目！他論詩極佩服王世貞，

所以他列名于王世貞的「宋五子」之內。

我常覺得明代的文化是藝術的，詩文、戲劇、書畫、雕刻都有特殊的造就，但在學問方面則無甚精采，既不及宋代人的創闢，又不及清代人的縝密。倘使一定要說出他們的優點，或者還在「博」上。他們讀書的態度並不嚴正，什麼書都要讀，因此他們受正統思想的束縛較輕，敢於發議論，敢於作偽，又敢於辨偽。他們的廣而疏，和清代學者的窄而精，或者有互相調劑的需要。胡應麟生于晚明，在地域上受了他的鄉先達宋濂和王禕的影響（宋籍浦江，王籍義烏，與胡都是金華府人）在時代上受了他的前輩楊慎和王世貞的影響（楊長胡六十三歲，王長胡二十五歲）。所以他所著的書，所立的說，幾乎完全承這四人之風，而四部正譌一書自是諸子辨和叢錄（王禕著，在王忠文公集中）的繼承者。

這本書的著作，後於諸子辨約一百三十年（諸子辨成于至正一八一四——一四五八；四部正譌成于萬歷一四——一五八六。）把這兩種書比較起來，四部正譌確有比諸子辨進步的地方。第一，宋氏專論諸子，他則擴充其義例，徧及四部，所論書有一百餘種，視宋氏多出了一倍。第二，諸子辨所謂『辨』乃是辨其『各奮私知而或戾大道』的殊說，其目的欲使『道術咸出于一軌』。這是求善，不是求真；固然裏邊有許多辨僞的話，但是旁及的，他的目的總在『罷斥百家』，還是董仲舒的心胸。四部正譌則較能客觀，很少衛道的議論，它是以辨僞爲正業的。只要辨僞成了正業，不論它的成績如何，這個方向已是不錯的了！

胡應麟作這本書，目的既是不在衛道而在辨僞，所以他很能把僞書的

性質做分析和綜合的研究。他在敘論裏，把偽書分成二十類：

- (1) 僞作於前代而世率知之者；
- (2) 僞作於近代而世反惑之者；
- (3) 掇古人之事而僞者；
- (4) 挾古人之文而僞者；
- (5) 傳古人之名而僞者；
- (6) 蹈古書之名而僞者；
- (7) 憚于自名而僞者；
- (8) 恥于自名而僞者；
- (9) 襲取于人而僞者；
- (10) 假重于人而僞者；

序

- (11) 惡其人，僞以禍之者；
- (12) 惡其人，僞以誣之者；
- (13) 本非僞，人託之而僞者；
- (14) 書本僞，人補之而益僞者；
- (15) 僞而非僞者；
- (16) 非僞而實僞者；
- (17) 當時知其僞而後世弗傳者；
- (18) 當時記其僞而後人弗悟者；
- (19) 本無撰人，後人因近似而僞託者；
- (20) 本有撰人，後人因亡逸而僞題者。

這樣的在證據方面，心理方面，歷史方面種種繁複的事實中尋出僞書的公

部分的偽跡悉受約束於此公例之下，他的成功決可與閻若璩相頡頏。可惜明代的學風務博而荒，淺嘗輒止，他僅僅立了這些條文也就停工了！至于他審覈偽書的方法，曾在卷末寫出八條：

- (1) 覈之七略以觀其源；
- (2) 覈之羣志以觀其緒；
- (3) 覈之並世之言以觀其稱；
- (4) 覈之異世之言以觀其述；
- (5) 覈之文以觀其體；
- (6) 覈之事以觀其時；
- (7) 覈之撰者以觀其託；

序

(8) 覈之傳者以觀其人。

上面說的是造成偽書的種種原因，這裏說的是揭破偽書的種種方法。一件事物，只要能發知道它的來踪去迹，又有方法去對付它，它即使像孫猴子一樣，有七十二變的本領，也無所逃于如來的一掌了！

這些方法，他雖沒有充分地使用在這本書裏，但他已把作者的環境，文字的本質，傳流的事實，書籍的記載……各方面都想過一想了。他論子華子一條，就是很顯明地使用這個方法的。他對於子華子所立的假設，是：

元豐間越中舉子程名本而不得志場屋者所作。

他說明這個假設道：

版出會稽，則越；

文類程試，則舉子；

義取字說，則元

辭多拂鬱，且依託前人，則困於場屋；

思以自見，又慮不能遠傳，故傅於春秋姓同而字相近者；

子華姓字皆有所出，惟名不經見，即撰人名本也。

這樣的層層推勘，實在是駕馭偽書的很好方法。所以他雖沒有對於偽書作成像我們想望中的研究，但很有力量啓發以後的一班學人，使他們向着這條路走。

他的考證也有錯誤的。例如陳振孫記關尹子，謂「徐藏子禮得於永嘉孫定，胡氏因徐藏之名不甚見人稱引，遂謂「藏定二子尚非如阮逸、宋咸輩實有其人，或俱子虛烏有，未可知也。」但徐藏是實有其人的。康熙

吳縣志（卷四四）云：

徐藏，字子禮，林子。（徐林，字稚山，南宋初龍圖閣學士。）知饒州。

以居吳，去親遠，奏易旁小州，便養。乾道初，改知江陰軍。新廟學，刊

書籍……五年，知秀州。藏有學，尤善漢隸書。

胡氏說沒有這個人，正與因隋書和唐書中不爲王通立傳，遂有人說『未必有其人』（見諸子辨引一說）是同樣的錯誤。

少室山房筆叢這部書，以前只有一個明代原刻本。清代四庫全書收了進去，多出一個寫本。光緒二十二年，廣雅書局又有刻本。廣雅本與四庫本同出于原刻，故誤處常常相同。而且我看得見的這一部文津閣本，鈔手特別壞，誤文脫文衍文不知凡幾，甚至不可句讀。又以四庫是官書，凡原

文文理不通順處皆爲改削。如李衛公問對條，廣雅本作：

靖禽蕭銑輔公祐頡利率自守虜逋逃寇不足當劉寶什一

文義有些不順，或有脫誤。四庫本則爲：

靖禽蕭銑輔公祐頡利論其才略之雄黠不足當劉寶什一

通固通矣，而無如非其本真也！其他四庫照例改變的文章，如『孟軻』改爲『孟子』、『足制四夷』改爲『足制遠方』、『導後世人君之欲』改爲『導後世之君臣耶』這類也是很多的。（所以我常覺得影印四庫全書是一件很蠢笨的舉動，徒然使得世界上平添了許多錯誤的書，實非今日學術界中所應許。）明代原刻本，杭州有（浙江圖書館中仁和王氏寄存書）南京也有（見八千卷樓書目，當在國學圖書館中）只是北平找不到。沒有法子，凡有疑誤處，可檢原書改正的就改正了；一時不易決定的且得因仍

了它。（我甚疑原刻就已多誤，因廣雅所刻經了三次校對當不至甚誤也。）

胡氏的著作，我們今日所最易見到的，自然是廣雅書局刻的筆叢和詩藪二書。類藪一書，他日或有找到的希望。據明史藝文志，這部書有一百二十卷，其多可知。（適之先生所見的是三十二冊。）在筆叢的他種裏，也有些辨僞的話，將來有暇，再當輯出。

我們讀這些書，自然決不能說他們成功，他們離成功還遠着呢！我們須切實覺悟，真正的辨僞要從今日做起。有了劉知幾，柳宗元們發其源，有了胡應麟，姚際恒們承其流，有了閻若璩，崔述們奠其基，再加上今日思想解放的時勢，夫然後我們可以不容情地把一切高文典冊審查一下。我們事

業的廣大應當什百倍於此，我們工作的困難也應當什百倍於此。倘使我們的成績僅僅能和他們一樣，這已是我們的羞恥；何況還要趕不上他們！何況還要背道而馳！我們把這些評論古書的文字彙集起來，是要一方面表示『飲水思源』的敬意，一方面鼓起『有進無退』的勇氣；一方面要知道古人能有這些鑒照是不容易的，一方面又要知道古人的成績原來不過如此而已。

這是我們印行這個辨僞叢刊的一點微誠！

顧頡剛。

中華民國十八年六月十五日

序

一四

四部正譌目錄

引.....一

葉數

卷上

叙論.....一

連山易.....三

歸藏易.....四

子夏易.....五

乾鑿度，乾坤鑿度.....六

讖緯諸書.....八

三墳.....一三

目錄

一

古文尙書……………一九

元命包……………二一

關朗易傳……………二三

麻衣心法……………二四

元經……………二四

儀禮逸經……………二六

卷中

鬻子……………二七

陰符經……………二九

六韜，三略……………三〇

文子……………三二

鬼谷子	三三
伍子胥	三五
兵家諸書	三六
鶡冠子	三六
關尹子	三九
黃石公素書	四三
抱朴子	四三
亢倉子	四四
劉子新論	四五
孫子	四六
子華子	四六

李衛公問對	四八
化書	四九
廣成子	五〇

卷下

黃帝內傳	五三
穆天子傳	五三
晉史乘，楚檮杌	五五
山海經	五五
古岳瀆經	五九
燕丹子	六一
宋玉子	六一

神異經，十洲記	六二
飛燕外傳	六二
越絕書	六二
魯史記	六三
西京雜記，述異記	六三
列仙傳	六四
牟子論	六四
洞冥記	六五
漢武內傳	六六
拾遺記，名山記	六六
梁四公記	六六

隋遺錄	六七
開元天寶遺事	六七
廣陵妖亂志	六八
瀟湘錄	六八
牛羊日厯	六八
龍城錄	六九
白猿傳	七〇
周秦行紀	七〇
碧雲馱	七一
雲仙散錄	七二
清異錄	七二

艾子·····	七三
鍾呂傳道集·····	七三
香齋集·····	七四
詩話諸書·····	七五
結論·····	七五

目錄

四部正譌

引

贗書之昉，昉於西京乎？六籍既焚，衆言淆亂；懸疣附贅，假託實繁。今其目存於劉氏七略，班氏九流者，亡慮什之六七。嘻，其甚矣！然率弗傳於世，世故莫得名之。

唐宋以還，贗書代作，作者日傳。大方之家，第以揮之一笑，乃衒奇之夫，往往驟揭而深信之；至或點聖經，廁賢撰，矯前哲，溺後流，厥係非眇淺也。

余不敏，大爲此懼；輒取其彰明較著，抉誣摘僞，列爲一編。後之君子，欲致正百家，統宗六籍，庶幾嚆矢。即我知我罪，匪所計云。

丙戌春仲月晦識。

卷上

凡贗書之作，情狀至繁約而言之，殆十數種。

有僞作於前代而世率知之者，風后之握奇，岐伯之素問是也。有僞作

於近代而世反惑之者，卜商之易傳，毛漸之連山是也。

有掇古人之事而僞者，仲尼傾蓋而有子華，柱史出關而有尹喜是也。

有挾古人之文而僞者，伍員著書而有越絕，賈誼賦鷄而有鷄冠是也。

有傳古人之名而僞者，尹負鼎而湯液聞，戚飯牛而相經著是也。有蹈

古書之名而僞者，汲冢發而師春補，檇杙紀而楚史傳是也。

有憚於自名而僞者，魏泰筆錄之類是也。有恥於自名而僞者，和氏香

奩之類是也。

有襲取於人而僞者，法盛 晉書之類是也。有假重於人而僞者，子瞻 杜解之類是也。

有惡其人，僞以禍之者，僧孺 行紀之類是也。有惡其人，僞以誣之者，聖俞 碧雲之類是也。

有本非僞，人託之而僞者，陰符 不言三皇而李筌稱黃帝之類是也。有書本僞，人補之而益僞者，乾坤 鑿度及諸緯書之類是也。

又有僞而非僞者，洞靈 真經本王士元所補而以僞充倉，西京 雜記本葛稚川所傳而以僞劉歆之類是也。又有非僞而實僞者，化書本譚峭所著而宋齊丘竊而序傳之，莊注本向秀所作而郭子玄取而點定之之類是也。（二說尙難信：譚事僅羽流所述；向子期與嵇阮諸文士友而絕不僞言；姑據前人載此。）

又有當時知其僞而後世弗傳者，劉炫 魯史之類是也。又有當時記其

僞而後人弗悟者，司馬潛虛之類是也。（潛虛，司馬公屬草未成，後人贗補行世，

見朱紫陽語錄，黃東發日鈔。世以數學，無辨其非是者。）

又有本無撰人，後人因近似而僞託者，山海稱大禹之類是也。又有本有撰人，後人因亡逸而僞題者，正訓稱陸機之類是也。

右諸僞書外，又有此十餘種：世或以非僞而信之，或槩以僞而疑之，皆弗深攷故也。余故詳爲別白，俾撰者弗湮其實，非撰者弗蒙其聲，於經籍或有補云。

連山易十卷，見唐藝文志。案班氏六經首周易，凡夏商之易絕不聞。

隋牛弘購求宇內遺書至三十七萬卷，魏玄成等脩隋史，晉彙以降亡逸篇名

無不具載，皆不聞所謂連山者。而至唐始出，可乎？北史劉炫傳，『隋文蒐訪圖籍，炫因僞造連山及魯史記上之。』馬端臨據此，以爲炫作；或有然者。蓋炫後事發除名，故隋志不錄，而其書尙傳於後；開元中盛集羣書，仍入禁中耳。鄭漁仲謂此書當時不存，已無可攷；今亦未能必其炫也。

（歸藏今亦不

傳，故二書惟論其大概，不能致詳。）

歸藏易十三卷；晉太尉參軍薛貞，唐司馬膺各有注。案七略無歸藏；晉中經簿始有此書；隋志因之；至宋，僅存初經，齊母，本著三篇。鄭漁仲以爲『其文質，其義古，後學以其不文則疑而棄之。』連山所以亡者，要當復過於此。『噫，連山，夏易也，歸藏，商易也，禹貢之文，千古叙事宗焉，商書簡潔而明肅，或有過於周者；孰謂夏殷之文不郁郁也！』隋志稱此書惟載卜筮，不類聖人

之旨蓋唐世固疑其僞。若鄭以晚出爲辯，則馬端臨之說盡之矣。（薛貞，

晉人，載於隋志；鄭以爲隋人，亦誤。五經，易最多依託，以下筮易於傳誦也。）

子夏易十卷：

陳振孫云，『漢志無卜氏易；至隋志始有子夏易二卷，其

爲依託甚明。且隋唐時已殘缺，宋安得有十卷。其經文，象，象，爻辭，俱用王

弼本；又陸德明所引隋子夏易語，今本十卷中皆無之；豈直非漢世書，併非隋

唐之舊矣。』余案，子夏易載通攷者，今亦不傳。據陳氏所論推之，當是漢

末人依託，至隋殘缺，唐宋人復因隋目，取王氏本僞撰此書；正猶乾坤鑿度本

漢世僞撰，至隋唐亡逸，宋人復僞撰以行，僞之中又有僞者也。（晁景迂以此書

張弧撰。案弧，唐大理評事，今有素履子傳於世，晁豈誤記此耶？）

周易乾鑿度二卷，又乾坤鑿度二卷，今合爲一，實二書也。乾坤鑿度稱黃帝撰，而乾鑿度皆假孔子爲言，其僞固無容辯說；然亦匪鑿度本書也。案諸緯，漢藝文志絕不經見，隋志始備詳之。蓋哀平末其端已兆，光武亦伏定基；魏晉以還，禪受亡不援藉符命。自隋文禁絕，其目猶數十家。宋世但七緯，傳說者咸以好事掇拾類書補綴而成，非漢魏之舊。今七緯又僅鑿度傳，余讀之信矣。王子充叢錄所見正同，則元末已亡久也。（是書余尙疑爲近人

掇拾者；讀黃氏日鈔，詳載其言，政與今傳本合，乃信其爲宋世書。）

乾鑿度曰：『求卦主歲術，常以太歲爲歲紀。歲七十六爲一紀；二十紀爲一節首。即置積節首歲數，加所入紀歲數，以三十二除之；不足除者，以乾坤始數二卦而得一歲未算，即主歲之卦也。』案此條見後漢黃瓊傳注中，蓋非宋人僞撰者；要之，亦魏晉之文也。

又乾坤鑿度云，『有太易；有太初；有太始；有太素。太易者，未見氣也。太初者，氣之始也。太始者，形之始也。太素者，質之始也。氣形質具而未離，故曰渾淪。渾淪者，言萬物相渾成而未相離，視之不見，聽之不聞，故曰易也。易變而爲一；一變而爲七；七變而爲九。九者，氣變之究也，乃復變而爲一。一者，形變之始。清輕者上爲天；濁重者下爲地。』右俱鑿度中孔子所云，實全寫列子天瑞一節，稍增損數字，遂不成語言。又列子『重濁者下爲地』之後，有『沖和氣者爲人，故天地含精，萬物化生』三語，意乃完足；今割去後三語，而以『物有始，有壯，有究，故三畫成乾』接之，文義頓斷缺，可笑。蓋元包洞極之類，猶是稍能文者所爲；此特荒陋，但僞僞撰耳。然三墳又出此下矣。

識緯之說，蓋起於河洛圖書。當西漢末，符命盛行，俗儒增益，舛譌日繁。其學自隋文二主禁絕，世不復傳。稍可見者，惟類書一二援引及諸家書目具名而已，而往往紀載不一。因參攷異同，盡錄以資博雅。且俾知書亡已久，即好事家藏，祕本閒見，皆僞中之僞，無萬一足徵也。易則稽覽圖，乾鑿度，坤靈圖，通卦驗，是類謀，辨終備，乾坤鑿度，京房易鈔，乾元叙制。書則尚書緯，尚書中候，璇璣鈴，攷靈曜，帝命驗，運期授。詩則含神霧，推度災，紀歷樞。禮則含文嘉，稽命徵，斗威儀，禮記默房。樂則動聲儀，稽耀嘉，叶圖徵。春秋則元命包，演孔圖，文耀均，運斗樞，威精符，合誠圖，攷異郵，深乾圖，漢含孳，佐助期，握誠圖，潛潭巴，說題辭。論語則論語摘輔象，撰攷識。孝經則孝經緯，孝經雜緯，孝經內事，古祕援神，句命決，援神契，元命包，左右握，左右契，雌雄圖，分野圖，弟子圖，口授圖，應瑞圖。太平御覽又有書帝驗期，禮稽命曜，春秋命厯序，孝

緯或精重等。然隋世所存僅十之三。馬氏通及上易緯數種，吳陳俱斥爲僞書；今推乾坤鑿度行世：蓋易緯又幾盡矣。

緯書，太平御覽又有易卦統通圖，尚書鈞命決，禮記稽命曜，春秋命歷序，又河圖括地象，河圖稽命曜，河圖挺輔佐，河圖帝道紀，河圖錄運法，河圖真鈞，河圖著命，河圖矩起，河圖天靈，河圖秘徵，河圖玉版，洛書錄運法，洛書稽命曜等。尋其命名，亦易緯之類。第御覽所引用亦甚希，而諸史藝文志，馬鄭經籍略，并其名皆無之。蓋自唐已亡，高士廉等編文思博要，或纒拾於宋齊諸類書中；御覽又得之博要諸書中，決非宋初所有也。

乾坤鑿度所載緯書太古文目，有元臯介，次垂臯策，次萬形經，次乾文緯，次乾鑿度，坤鑿度，次攷靈經，次制靈圖，次河圖八文，次希夷名，次含文嘉，次稽命圖，次墳文，次八文，次元命包，共一十四緯。今見於類書者，惟含文嘉，元命

包，乾坤二鑿度而已。垂皇策，乾文緯，乾坤二鑿度，說易者也。含文嘉則禮。而元命包，春秋孝經皆有之，不知何者在先，而衛元嵩易元包，則又因是命名者也。今乾坤鑿度全書存，其理欲深而甚淺，其文欲怪而甚庸。其他雜見類書者，往往不相遠也。

坤鑿度又有地靈母經，含靈孕（見注）易靈緯經。又洛書有靈準聽，又地形經，又制靈經。甚矣其名之衆也！蓋此又宋世僞撰乾坤鑿度者，依彷彿覽所存諸目，創立新題，故尤可笑。近關中胡氏野談首集諸緯書名，僅十三二，烏傷王氏叢錄直據隋志及通攷，亦不能詳。余故備錄之，以資好事。噫，昔之僞撰者，彼既已濫用其心，而余又窮蒐其目，得無以五十步笑百步哉！曾鞏氏曰：『欲使天下之毋惑其說，莫如大明其說之非而放之。』余之意，其亦猶是已夫！

緯書名義率不可通曉。今據乾坤鑿度錄其一二有注釋者於左，自餘可以例推。昔人云，『以艱深之詞文淺易之說』。但觀其名，無爭開卷矣。
(有撰人者并附。)

乾坤鑿度 (聖人鑿開天路，顯彰化源也。庖犧著。)

鉤命決 (天地失序，必有沮泄，用陰陽鈞治之也。女媧著。)

乾鑿度 (聖人順乾道浩大，以天門爲名也。)

坤鑿度 (太古變乾之後，次鑿坤度，作爲是書。)

地靈母經 (女媧著。)

易靈緯 (炎帝黃帝著。又黃帝作易八墳。)

世率以『讖』『緯』並論。二書雖相表裏而實不同。『緯』之名所以配『經』，故自六經，語孝而外無復別出河圖洛書等緯皆易也。讖之

依附六經者，但論語有識八卷，餘不概見。以爲僅此一種，偶閱隋經籍志注，附見十餘家，乃知凡識皆託古聖賢以名其書，與緯體制迥別。蓋其說尤誕妄，故隋禁之，後永絕，類書亦無從援引，而唐宋諸藏書家絕口不談。以世所少知，附其目於此：

孔老識十二卷。

老子河洛識一卷。

尹公識四卷。

劉向識一卷。

雜識書二十九卷。

堯戒舜禹一卷。

孔子王明鏡一卷。

郭文金雄記一卷。

王子年歌一卷。

嵩山道士歌一卷。

又有以緯候並稱者，今惟尚書中候見目中，他不可攷云。

茅山志引河圖要元篇云：『金之壇，其間有陵；兵病不起，洪波不登。』又曰：『乃有地脈，土良水清，句曲之山，金壇之陵；可以度世，上昇曲成。』元篇蓋漢世讖書，後漢書志注不載其目，僅見此焉。在楊氏談苑羣駟所用以用脩語，余未敢深信。然他無可攷，姑錄此以廣異聞。

三墳之僞，前人辯之審矣。鄭漁仲以爲三皇太古書而尊信爲實然，甚矣鄭之疏略也！余讀之，蓋諸禮書中至淺陋者。世以隋購三墳，劉炫僞造

連山等百餘篇上之，即此書。然炫在隋號大儒，其學博，其業精，其造連山雖僞妄，必有過人者。今三墳之首，所稱『太始，太極，太易，太初，太素』皆勦合乾坤繫度之文而稍增飾之，而乾坤繫度則又全錄沖虛天瑞之語者也。至其所列連山，歸藏，乾坤等象，布置錯綜，僅同兒戲。其引物類，取義稱名，合於義農之世者十無三四。亡論六代以前，即真出於炫，豈淺陋至是極哉！且伏義爲『天皇』似矣；神農而曰『人皇』，軒轅而曰『地皇』，是故爲異說而罔顧其理之弗根也。『先時者殺，不及時者殺』，夏后所引是矣，而以出軒轅，是妄意其時而弗知其命之弗順也。又其所言『三十二易草木』等語，皆庸人孺子所縮朒而不肯言者。是書蓋即序者毛漸所爲。余故劇論爲光伯解紛。若三皇之說，世自漁仲外亡信者；葉夢得，馬端臨已極譏鄭之好怪，吾何暇爲辯哉！（案隋世牛弘主收書，卽炫僞撰，弘等渠可盡欺也。）

天官氏策云：「天子相共工，我惟老極無爲；子惟扶我正道，咨告於民，俾知甲歷日月歲時自茲始，無或不記；子勿怠！」共工曰：「工居君臣之位，無有勞，君其念哉！」皇曰：「下相皇桓，我惟老極無爲；子惟扶我正道，撫愛下民，同力咨告於民，俾知甲歷日月歲時自茲始，無或不記；子其勿怠！」桓曰：「居君臣之位，無有勞，君其念哉！」皇曰：「栗陸，子居我水龍之位，主養草木，開道泉源，無或失時；子其勿怠！」陸曰：「竭力於民，君其念哉！」皇曰：「大庭，主我屋室，視民之未居者，喻之；借力同構其居，無或寒凍！」庭曰：「順民之辭！」皇曰：「陰康，子居水土，俾民居處，無或漂流；勤於道，達於下！」康曰：「順君之辭！」皇曰：「渾沌，子居我降龍之位，惟主於民！」皇曰：「昆連，子主我刀斧，無俾野獸犧虎之類傷殘生民，無俾同類大力之徒驅逐微弱；子其伏之！」連曰：「專主兵事，君無念哉！」皇曰：「四方之君，咸

順我辭，則世無害；惟愛於民，則位不危！
 皇曰：「子無懷安，惟安於民；民安子安，民危子危；子其念哉！」
 案三墳此章全剽舜典，而辭意淺陋，殆類村學究語，詎曰庖犧之代預規虞世之文哉！

王長公讀三墳書云：『伏羲畫連山而有「民，兵，——器，」「陰，兵，——妖，」「陽，兵，——譴，」「兵，陽，——陣，」至策辭而曰「主我屋室，」「主我刃斧，」神農歸藏而曰「殺，藏，——稟，」此皆不知其時而妄爲說者也。』
 余執此更推之，連山猶或可解，至歸藏，乾坤，強半笑資，因備錄後。後之論三墳者觀此足矣。

歸藏卦爻曰：『歸，動，——乘舟，』神農之世未有舟楫也。曰：『動，歸，——乘軒，』神農之世未有軒蓋也。曰：『藏，止，——重門，』神農之世未有屋室也。曰：『殺，動，——干戈，』神農之世未有戈矛也。曰：『殺，長，——戰，』

曰『殺，止，——亂，——而不知征伐兵爭實肇於黃帝。』曰『生，動，——動陽，（傳云，『聖人以行慶勳』。）曰『止，殺，——寬宥，——而不知賞慶赦宥實始於唐虞。』他若所謂『歸，殺，——降，』『生，藏，——害，』皆刺謬之妄談；所謂『長，歸，——從師，』『長，藏，——從夫，』皆經典之剩語。曰『地氣，』曰『水氣，』曰『火氣，』曰『風氣，』則釋門之四大；而曰『殺，生，——無忍，』曰『動，止，——戒，』又釋子委談也。曰『金氣，』曰『木氣，』曰『水氣，』曰『火氣，』則術士之五行；而曰『生，殺，——相尅，』曰『金氣殺，』又術家淺數也。凡歸藏中爻象類若此。至乾坤『天，地，——圓丘』等象，尤爲捧腹資。鄭漁仲以該洽自信，胡漫然弗攷哉！

乾坤卦象曰『雲，天，——成陰，』曰『雲，地，——高林，』曰『山，地，——險徑，』曰『氣，地，——下溼，』曰『山，日，——沈西，』曰『天，日，——昭明，』曰

『川，日，——流光，』曰『日，月，——代明，』曰『川，月，——東浮，』曰『日，山，——危峰，』曰『月，山，——曲池，』曰『山，雲，——壘峰，』曰『山，氣，——籠烟，』曰『川，氣，——浮光，』曰『雲，氣，——流霞，』曰『月，天，——夜明，』曰『川，山，——島，』曰『雲，山，——岫，』曰『氣，山，——嶷，』曰『日，川，——湖，』曰『雲，川，——溪，』曰『氣，川，——泉，』曰『山，澗，——川，』曰『月，川，——湖。』

右所云地皇氏卦象，大類今世村學塾師教小兒蒙求，總龜，又似初習聲偶者詩學大成中字面。夫『高林，』『險徑，』『危峰，』『曲池，』『島，』『岫，』『烟，』『霞，』『川，』『嶷，』『溪，』『湖，』皆漢唐六代詞人語；亡論三皇，即六籍，四詩固不盡見。而『昭明，』『代明，』『流光，』『浮光，』『成陰，』『下溼，』『沈西，』『東浮』等語，或勦諸經典，或取諸閭閻，蓋亡一字類三代以上者。故余嘗謂僞書之陋無陋於三墳也！

「序曰：一岐伯天師……先時者殺不及時者殺」二語與胤征合。夫胤征誓衆出師，言「國應爾」，岐伯變理陰陽而首戒以殺，何也？蓋僞者以黃帝首伐蚩尤，故剽胤征二語以實之，又於序中特援爲證，而不知適以愈彰其僞。心勞日拙，誠然哉！

孔穎達論古文尙書云：「孔君作傳，值巫蠱不行以終。前漢諸儒知孔本五十八篇，遂有張霸之徒，僞作舜典，洎九共九篇，大禹謨，益稷，五子之歌，胤征，湯誥，咸有一德，典寶，伊訓，肆命，原命，武成，旅獒，冏命二十四篇。除九共九篇，共十六卷。蓋亦略見百篇之序，故以伏生二十八篇者復出舜典，益稷，盤庚二篇，康王之誥及秦誓共三十四篇，而僞作此二十四篇十六卷以求合於孔氏五十八篇四十六卷之數也。劉向，班固，劉歆，賈逵，馬融，鄭玄皆不見真

古文，而誤以此爲古文之書。服虔，杜預，亦不之見。至晉王肅，始似竊見。而晉書又云：「鄭冲以古文授蘇愉；愉授梁柳；柳內見皇甫謐得之；而柳又以授臧曹；曹始授梅賾；賾乃奏上其書而施行焉。」漢書所引秦誓云「立功立事，惟以永年」疑即武帝之世所得者。律曆志所引伊訓，畢命，字畫有與古文異同者，疑出伏生口傳；其引武成，則伏生無此篇，必張霸僞作者也。案張霸僞尙書今不傳，而其目備見於此，因錄之。然安國序世亦頗疑非西京文字云。（諸篇日外，潮傳又有百兩篇，錄於後。）

張霸傳云：「孝景帝時，魯共王壞孔子教授堂以爲殿，得百篇尙書於牆壁中。武帝使使者取視，莫能讀者。遂秘於中外不得見。至孝成皇帝時，徵爲古文尙書學。東海張霸案百篇之序，空造百兩之篇，獻之成帝。帝出秘書百篇以校之，皆不相應。於是下霸於吏。吏自霸罪當至死。成帝高

其才而不誅，亦惜其文而不滅，故百兩之篇傳在世間。傳見之久，人遂謂尙書本有百兩篇矣。案孔穎達但言霸作僞書，不及詳其始末。今據後漢書錄於此，與孔說亦小不同。（顧剛案，此段所錄係論衛正說篇文，非後漢書也。）

漢張霸，隋劉炫，皆篤學之士也。漢成徵古尙書，而霸僞造舜典等百餘篇上之；隋文求古周易，而炫僞造連山等百餘篇上之。其後皆事發，霸幾死而炫抵罪。極相類，可笑。然漢成卒以此奇霸，釋其罪，且不廢其經，而隋世不開宥炫；蓋隋文方沾沾綜核，不能格外行事固也。二子誣矯聖真，誠足誅第皆經術大儒，其所撰造要非唐宋以後所及，惜今遂無一尊者。世第知炫造易而霸事不甚傳，因錄此爲僞作之戒，二子著述之勤亦因概觀云。

元命包四卷，後周衛元嵩述。太極書，春秋，孝經各有元命包，故好事勦

爲此書而附諸大易云耳。其文率學太玄，用字奇僻過之，而厥義則甚淺。序稱楊元素由閣本錄行，張昇者以受楊楫。王長公謂即楊撰，或即張昇。余讀之，絕嘆長公之言燭鑿千載。然其文頗雅馴，字雖奇而旨不晦，殆非昇楫所辦，當出楊元素輩，或唐文士撰述也。其數即火珠林，與京房易懸合。火珠林，蓋宋時用以卜筮者云。（唐藝文志有元包十卷，撰人注者皆同，此書恐不得爲僞。）

此書崇文目稱『唐衛元嵩』，通志、通攷並因之。案元嵩，後周人；所撰述有齊三教論七卷，見通志。又隋志釋氏類稱『蜀郡沙門衛元嵩』，上書言僧徒猥濫，周武帝下詔一切廢毀，即其人也。而王堯臣總目以爲唐人。攷唐世諸紀傳，絕無名姓同者，其誤瞭然。蓋因傳注出蘇元明，李江，蘇李皆唐人，以意傅合耳。此書楊楫本序以『元嵩獻策後周，賜爵蜀郡公，武帝尊

禮，不敢臣之，『頗與隋志合。必元嵩先爲沙門，後還俗上書，請汰僧徒，故周武亟暴顯之以風天下。不然，將束縛之不暇，而尊禮乎哉！』（序稱元嵩有傳，攷北史無之，楊氏之誤也。）

關朗易傳一卷，唐趙蕤注。朱紫陽曰：『僞書也。』案朗稱魏孝文帝時人，王仲淹祖同州刺史彥師事之。嘗爲彥筮，得夬之革，遂決百年中當有遠人出，脩涿泗之教。中歷數周齊陳隋事，無不懸合。而其意實寓『河汾』非唐初福時輩拮据陳迹以耀其先，則宋阮逸僞撰以證佐文中者；書之得失固不足深論也。或以即注者趙蕤。案蕤有長短經十卷。北夢瑣言云：『蕤，梓州鹽亭人，博學韜鈴，長於經世。夫婦俱隱，不應徵召。論王霸，機權，正變，作爲此經。』則蕤當是中唐前後人。然新舊唐書並無關氏易傳而僅

見於馬鄭諸家，則此書非禁可見而阮逸之僞無疑。案通攷，逸又有易筮六卷，每爻必以古事系之；陳振孫謂其牽合。蓋逸之作僞，無往不然也。（續案，

李白警師事趙蕤，蕤當是開元前人，見唐詩紀事。）

麻衣心法一卷，稱麻衣道者以授陳希夷。余讀之，每字四爲句，句四爲

章，章四十二，下爲注解，皆淺俚質略，大類宋世丹汞之書。朱紫陽謂戴師愈作，託名麻衣。余觀其末有李潛序，絕肖書中所云，蓋皆戴所作也。而當時儒者若張廣漢輩亦頗信之，余竊所未喻矣。

王氏元經十五卷，稱王通撰，薛收注。宋世已艱得其本，意今藏書家不

復有之。據通攷，晁陳所論，經傳皆阮逸也。其書始晉太熙，終陳亡。陳振

孫謂『唐神堯諱淵，其祖景皇諱虎，故晉書戴淵、石虎皆以字行。薛收，唐人於傳稱「戴若思」、「石季龍」，宜也。元經作於隋世，乃亦云「若思」、「逸之心勞日拙，蓋不能自掩矣。」右陳氏論甚精。然不特經不當稱，即傳稱「季龍」、「若思」亦足占其僞也。何以故？薛收，河汾高弟，文皇并天下，收與天策之選，不數歲而卒。當時僭諸學士運籌帷幄，固無暇於著述。藉令果傳元經，當在河汾授受之際。此時唐尙未興，何緣預知其諱而改之耶？亦有古書本不諱，後人避本朝之諱而改者，如山海經「啓」皆爲「開」之類。此又各當求其故，不可執泥一端。若元經之僞，則此足以盡概之矣。

阮逸，字天隱，胡安定瑗門士也，嘗爲府司理，瑗共定雅樂，附見宋史。瑗傳，蓋亦宋初文學之士。今關子明傳等作，其綴屬有足觀者。而獨以僞書聞於後人，惜哉！術胡可弗慎也！

楊用修談苑醒翻云，『湖廣一統志載劉有年於永樂中上儀禮逸經十有八篇。若然，則儀禮之亡者全矣。不知有年何從得之？意者聖經在世如日月，終不可掩耶？然一時廟堂諸公不聞表章傳布之請，今求之內閣亦不見其書。出非其時，此書之不幸也！世人大言動笑漢唐。漢唐求逸書，賞之以官，購之以金，焉有見此奇書而付之漠然者乎？』案儀禮篇亡者，自漢已無從物色，寧有歷唐至宋復出於今之理；必劉氏連山魯史故事，僞作欺世。用脩好奇而信之，非也。余家藏有元吳幼清儀禮逸經八篇，傳十篇；經則取諸大小戴及鄭氏注，傳則吳氏本紫陽遺意而纂次之。其書名篇數與劉所上正合，豈即此書也耶？

卷中

今鬻子非道家言，余既詳辯之矣。然道家固實有鬻子。列禦寇天瑞篇引其說云，『運轉亡已，天地密移，疇覺之哉？故物損於彼者盈於此，成於此者虧於彼。損盈成虧，隨生隨死，往來相接，閒不可省，疇覺之哉？凡一氣不頓進，一形不頓虧，亦不覺其成，不覺其虧。亦如人自生自老，貌色智態亡日不異，皮膚爪髮隨生隨落，非嬰孩時有停而不易也。閒不可覺，俟至後知。』又力命，楊朱二篇皆引其語。其爲道家言，居然可見。蓋必古有此書，如黃帝，楊朱之屬，列子稱之。至漢尙存，班氏以列道家亡怪也。若其人，文王所師與否，列所引爲文王所師之人與否，悉無據，不可信。夫太公之事見於詩書，東海之封傳於百世，世尙疑之，況不經見聖賢之口如鬻子乎？（列亦言

『鬻熊語文王』，然每與老聃同列；謂楚祖者非也。）

鬻子前輩去取殊不一。宋太史謂『其文質其義弘』。余讀之

第如王長公所稱『七大夫』其名姓誠有可疑者，決匪商末周初文字。

東發以戰國依託近之。

今所傳鬻子十四篇，有文王問而及三監，曲阜事，人率疑之。然伊尹

公年俱百數十歲。攷竹書，太公沒尚在康王世。熊以九十遇西伯，而

之叛，周公之薨，俱在成王時，律以太公，則談及二事，亡足怪。但其書體

難，既絕不類列子所引語，而列所引語亦略不見篇中，故知其決匪道家。

亦未必小說家之舊。大概後人掇拾殘剩，而補苴綴緝之功，亡萬一焉。

章次篇名皆混淆錯亂，眎他子書特寥落無足觀。自宋李仁父已疑之，

長公尤極言其僞。乃余則以不惟其書可疑，熊之遇西伯亦僞也，蓋因

然。黃 然。 太 蔡 儒 然 其 王 公

事傅會。若列所引鬻熊，自是當時有道者，不必據文王言。史記稱鬻熊事文王者，蚤天，故封其子孫爲楚祖。而此以九十遇文，可笑至此。蓋二鬻熊明甚。

高似孫謂子書起於鬻熊，此不然。漢志道家有伊尹五十一篇，黃帝書四種，共三十八篇，（列子所引黃帝書，當出此四家。）力牧二十八篇，雜家有孔甲二十六篇，大禹三十七篇，農家有神農二十篇，小說家有伊尹二十七篇，皆鬻熊前子書，率僞書也。惟以『子』稱者，似起於熊，而小說有務成子，亦熊前。若今傳子書，故當首此耳。

陰符經，稱黃帝，唐李筌之僞也。筌嗜道，好著述，得陰符，注之，而託於驪山老母以神其說。楊用脩直云，筌作，非也。或以唐永徽初，褚遂良嘗寫一

百本，今墨迹尙有。夫曰遂良書，則既盛行當世，筌何得託於軒轅？意世無傳本，遂良奉敕錄於秘書，人不恆觀也。余案國策，蘇秦于諸侯不遂，因讀陰符，至刺股，則此書自戰國以前有之。而漢藝文志不載，蓋燬於兵火故。隋志有太公陰符鈐錄一卷，又周書陰符九卷，未知孰是，當居一於斯。或疑季子所攻必權術，而陰符兼養生。夫陰符實兵家之祖，非養生可概也。此書固匪黃帝，亦匪太公，其爲蘇子所讀則瞭然，而前人無取證者。故余首發之，俟博雅士定焉。（李亦稱少室山人，與李渤同姓同號，所著尙有關外春秋，中台志等。）

今六韜有太公陰符篇，云：『主與將有陰符，凡八等：克敵之符長一尺；破軍之符長九寸；至失利之符長三寸而止。』蓋僞撰太公六韜者不識陰符之義，以爲符節之符也。此雖五尺童子，一目可竟其說；秦何至刺股以讀之。

世有六韜陰符爲太公所授季子所攻者，味吾言如破竹矣。

宋世以孫吳、司馬、韜、尉繚、李衛公爲『兵家七書』。

孫武、尉繚、亡可

疑者。

吳起或未必起自著，要亦戰國人按其議論成編，非後世僞作也。

三

略稱黃石公，中如『柔能制剛，動而輒隨』等語，似有見於道德者。以即圯

上老人授子房書，則不可。

前輩固多以傳會疑之。

六韜稱太公，厥僞瞭然。

攷漢志有六韜，初不云出太公。蓋其書亡於東京之末，魏晉下談兵之士，掇拾

剩餘爲此，即隋志六韜也。

『天下者天下之天下』，讀者亟稱要之策士浮

談，阮丹書『敬義』之規，何啻倍屣！

至文、伐、陰書等篇，尤孫吳、尉繚不屑道

者，太公以告文武乎！

尙父六韜，葉正則謂『出孫吳後』，近之。而舉南華所引『九微』，以『

『莊周不悟其僞』，則非也。

蓋此書正引用南華，猶亢倉、鶡冠所本耳。

周

氏涉筆并太公疑焉，則過。太公文王相遇固難盡信，然詩人與孟氏已亟稱之矣。國朝李獻吉謂『將有別材，周伐紂，不以周召，必以太公。』王元美謂『管仲難，太公易；周不得太公而周召，閔散行師，紂之徒誣，弗倒戈者。』二公語相反，而實皆有至理；因論六韜并及之。

文子九篇，元魏李暹注，稱老氏弟子，姓莘，葵丘濮上人。自柳子厚以爲駁書，而黃東發直以注者唐人徐靈府所撰。余以柳謂駁書是也；黃謂徐靈府撰則失於深攷。案班史藝文志，道家有文子九篇，注云，『老子弟子，與孔子同時；而稱周平王問，似依託者。』則漢世固已疑之。（此注非劉向，則班固自注者。凡類注，自另有「師古曰」三字。）及攷梁目，隋志，皆有此書。（梁十篇，隋十二篇，並見隋書中。）則自漢歷隋至唐固未嘗亡，而奚待於徐氏之僞！惟

中有漢後字面，而篇數屢增，則或李暹或潤益於散亂之後與？
是楚平王。）

（周氏謂平王

案文子，漢書不注姓名。而馬總意林有范子計然十三卷，云『計然，姓莘氏。』文子李暹所注蓋實因之。然意林別出文子十二卷，其語政與今傳本同，則計然之書非此明甚。而暹輩直以名字偶合當之，故歷世承其譌；至洪野處，宋景濂而後定。嘻，甚矣！第兩公言猶有未盡。余以不直文子非計然，即計然名文子，吾弗敢信也。漢志惟兵家有范子二篇，而農雜道家並亡稱計然者。今意林所錄乃陰陽歷數之書，必魏晉處士因班傳依託爲此；其姓名率『烏有』類，惡足據哉！

鬼谷，縱橫之書也。

余讀之，淺而陋矣。

即儀秦之師，其術宜不至猥下

如是。柳宗元謂劉氏七略所無，蓋後世僞爲之者，學者宜其不道。而高似孫輩輒取而尊信之；近世之耽好之者又往往而是也。甚矣，邪說之易於入人也！宋景濂氏曰：『鬼谷所言捭闔，鈎箝，揣摩等術，皆小夫蛇鼠之智；家用之則家亡，國用之則國僨，天下用之則失天下。其中雖有「知性寡累」等語，亦庸言耳。學士大夫所宜唾去；而宋人愛且慕之，何也？』其論甚卓，足破千古之譌。

楊用修云：『漢書藝文志，「鬼容區三篇」注，「卽鬼臾區也。」郊祀志，「黃帝得寶鼎，晁侯問於鬼臾區」云云，注，「卽鬼容區，「容」，「臾」聲相近。」今案鬼谷卽鬼容者，又字相似而誤也。高似孫子略便謂藝文志無鬼谷子，何其輕於立論乎？』案鬼臾區，黃帝之臣；漢藝文志兵陰陽家有鬼容區三篇，與風后力牧連類。說者謂卽鬼臾區，以「臾」、「容」聲相近，是

矣。而楊以爲鬼谷，則『區』字安頓何所乎？此其可笑，正與『方城』作『萬城』切對。漫筆之，以當解頤。（案意林注，「鬼谷者，謂無其人，猶無是公云爾」。斯說得之。）

鬼谷子，漢志絕無其書，文體亦不類戰國。晉皇甫謐序傳之。案漢志縱橫家有蘇秦三十一篇，張儀十篇；隋經籍志已亡。蓋東漢人本二書之言，會萃附益爲此；或即謚手所成而託名鬼谷，若子虛，亡是云耳。隋志占氣家又有鬼谷一卷，今不傳。（又關尹傳亦稱鬼谷，見隋志。）

伍子胥兩見漢志，一雜家八篇，一兵家十篇，今皆不傳。而越絕書稱子胥撰，蓋東漢人據二書潤飾爲此。其遺言逸事，大率本之。其文詞氣法出東漢人手裁，故與戰國異。凡班志所無而驟見六朝後者，往往多因戰國子

書殘軼者補綴之，而易其名。以爲真，則僞莫掩；以爲僞，則真間存，尤難辯。自前輩少論及此，余不敏，實竊窺之。觀素問，靈樞之即內經，則余言可概見矣。（素問亦稱內經，然隋志止名素問；蓋黃帝內外經五十五卷，六朝亡逸，故後人綴緝而易其名耳。）

秦漢閒兵家稱述名流，大都游俠之筆耳。孫吳無忌外，荑弘，范蠡，大夫種，公孫鞅，廣武君，韓信，率依託也。神農，黃帝，風后，力牧，蚩尤，封胡，鬼臾區等，尤荒唐。又有項王一卷：彼六年閒大小百戰，暗鳴叱咤，寧暇此乎！武侯十六策，亦僞撰者。近世有武侯心書，亦通攷所無者，尤僞。

鷓冠子，漢藝文志有二：一道家，一兵家。

兵家，任宏所錄，班氏省之；則今

所傳蓋爲託道家者。然道家所列鷓冠子僅一篇，而唐韓愈所讀有十九篇，宋四庫書目乃三十六篇，晁氏讀書志則稱八卷，與漢志俱不合；而唐宋又自相矛盾。晁願謂四庫篇目與昌黎所讀同，何也？說者以鷓冠、充倉、子華皆因前代有其名而依託爲僞。然中實不同：鷓冠則戰國有其書，而後人據漢志補之；充倉則莊子有其文，而後人據南華益之；若子華，既無其書，又無其文，特好事者因『傾蓋』一言而僞撰以欺世耳。

鷓冠之僞與充倉不同。蓋賈誼鵬賦所云初非出鷓冠子；後世僞鷓冠者，剽誼賦中語以文飾其陋。唐人不能辯，以鷓冠在誼前，遂指爲誼所引。河東之說極得之。昌黎嚴於二氏而恕於百家，凡子書若荀卿、揚雄，皆極褒美，猶之可也；甚而墨翟之邪，鷓冠之礫，亦標顯其所長；蓋其衷寬然長者。若扶邪摘僞，判別妄真，子厚之裁鑒良不可誣。所論國語，列禦寇，晏嬰，鬼谷，鷓

冠，皆洞見肝膈，厥有功斯文亦不細矣。

鷓冠，韓柳二說自相紛拏。晁公武，陳振孫，並主柳說。周氏涉筆在疑

信閒。獨宋景濂以非僞撰，謂「其書本晦澀，後人復雜以鄙淺，故讀者厭之，

不復詳悉其旨。」余以此書蕪紊不馴，誠難據爲戰國文字，然詞氣瑰特渾

奧，時時有之，似非東京後人所辦。蓋其書殘逸斷缺，後人之鄙淺者以己意

增益傳之，故文義多不可訓；句讀者遂益不復究心。景濂之論卓矣！世兵

篇始終皆論用兵，而中雜以賈賦，殊不類。正味者勦入，如南華盜跖四篇。推

此，餘可例見。（余篇首謂「賈生賦鵬而有鷓冠」，亦舊說也。）

陸佃解鷓冠，謂「此書雜黃老，刑名而要其宿，時若散亂無家者；然奇言

奧旨亦往往而有也。」此論甚公而覈。蓋此書本道家，流入於刑名固無

足怪。而近迭，世兵，天權，兵政等篇，始終皆論兵語。攷七略，兵家有鷓冠子。

雖班氏省之，而漢世尙傳。後人混而爲一，又雜以五行家故說，然無統。陸氏不詳攷藝文志，因云爾爾。

藝文志兵家有龐煖三篇。鷄冠子兵政稱龐煖問，而世賢、武靈等篇直稱煖語。豈煖學於鷄冠，而此二篇自是煖書，後人因鷄冠與煖問答，因取以附之與？

關尹子九篇，以即老聃弟子而莊周稱之者。案七略道家有其目。自隋志絕不載，則是書之亡久矣。今所傳云徐藏子禮得於永嘉，孫定者。陳振孫疑定所受不知何人；宋景濂以卽定撰，皆有理。余則以藏、定二子尙非如阮逸、宋咸輩實有其人，或俱子虛烏有，未可知也。篇首劉向序稱『渾質、崖戾、汪洋、大肆，然有式則，使人泠泠輕輕，不使人狂』等語，蓋晚唐人學昌黎

聲口亡論西漢，即東漢至開元無有也。至篇中字句體法，全做釋典成文，如

『若人有超生、死心，厭生、死心』等語，亡論莊、列，即論冠至亢倉亡有也。且隋志既不載，新舊唐志亦復無聞，而特顯於宋，又頗與齊丘化書有相似處，故吾嘗疑五代開方外士掇拾柱下之餘文，傅合竺乾之章旨，以成此書。雖中有絕到之談，似非淺近所辦，第以關尹則萬無斯理。彼藏耶，定耶，真耶，震耶，吾何暇辯之哉！

關尹子談理，閒入莊、列、長生，其文則全做釋氏。九篇之中，亡弗然者。世反以釋氏掇之。夫莊、列、釋氏掇之者也。讀其文，於釋氏毫髮類乎？今篇掇其一，餘可例推。

一孟篇云：『若以言行學識求道，互相展轉，無有得時。知言如泉鳴；知行如禽飛；知學如擷影；知識如計夢。一息不存，道將來契。』（以下皆取其文句）

之類；其理出釋氏者殆十之六七，不止此也。）

二柱篇云，『寒暑溫涼之變如瓦石，置之火則熱，置之水則寒，呵之即溫，吹之即涼。特因外物有去有來，而彼瓦石實無去來。』

三極篇云，『蛇食即且，即且食蛇，蛇食蛙，互相食也。』聖人言亦然：言有

無之弊，又言非有非無之弊，又言去非有非無之弊，如引鋸然。惟善聖者不

留一言。』（莊引『在己無居』章附此篇。）

四符篇云，『五行之運，因精有魂，因魂有神，因神有意，因意有魄，因魄有精。五行回環不已，所以我之僞心流轉。造化幾億萬歲，未有窮極。』（又

『譬如化人』章已見前辯，皆全倣佛經語。）

五鑑篇云，『識譬如犀牛望月，月形入角，特因識生，始有月形，而彼真月初不在角。胸中天地萬物亦然。知此說者，外不見物，內不見情。』

六七篇云，『有人問我，「爾何族，何氏，何名，何字，何食，何衣，何友，何僕？」我時默然。不得已而應之曰，「尙自不見，我將何爲我？」』

七釜篇云，『人之力有可奪天地者，如冬起雷，夏造冰，豆中攝鬼，杯中釣魚，枯木能華，土鬼可語，皆純氣所爲，故能化萬物。』（此附會列語，而事皆漢唐後，蓋撰關尹者非讀書之士；甚矣學弗可已也！）

八籌篇云，『即吾心可作萬物。蓋心有所慕則愛從之；愛從之則情從之。嬰兒，姹女，金樓，絳宮，青蛟，白虎，寶鼎，紅爐，皆此物。』（此章同前。蓋道家

存想脩鍊之旨，莊老之世所無，參同，黃庭中始有之。）

九藥篇云，『昔論道家，或曰凝寂，或曰邃深，或曰澄澈，或曰晦冥。慎勿遇此而生怖退！天下至理，竟非言意。知非言非意在彼微言妙意之上，乃契吾說。』（以上俱關尹語。）

黃石公素書，宋張商英僞撰者。商英自號無盡居士，學浮屠於釋子，從悅。其後宗杲嘗亟稱以勵張九成。九成亦號無垢，豈有慕商英與？九成學佛則失之，而其人明白俊偉，非商英等也。今讀此書，所稱仁義道德皆剽拾老莊之膚語，傅合周孔之庸言。而『悲莫悲於精散，病莫病於無常』等詞，又仙經佛典之絕淺近者。使商英不爲此書，或爲之而匿其姓名，亦未知其學之陋一至是也！若序稱『子房以殉墓中，自諸葛孔明而下皆不得聞』，則三尺童子業能呵斥之矣。

抱朴子內外篇四十卷，晉葛洪稚川撰。洪以博洽名江左，身所著書殆六百餘卷，自漢以來，稱撰述亡盛於洪，蓋篤志負才而游方之外者也。黃東

發詆洪不應以神仙誤天下後世持論甚公而以此書爲僞則失攷。洪本傳明言抱朴諸篇歷唐宋以還未有疑其僞者。今讀其言比物聯類紆徐鬱茂滑稽不窮。其外篇蓋擬王氏論衡故旁引曲喻必達其詞雖時失緻尤非淺見狹識所窺也。且洪既爲神仙之學其異於吾儒勢固應爾又曷僞焉！

亢倉子，贗書也，世無弗知。然而非贗也！漢志無亢倉子。唐號亢倉子洞靈真經，求弗獲而王士元取庚桑楚篇雜引道家以補之。士元襄陽人見孟浩然集序及晁公武論甚悉。河東之駁允矣失不攷其實事。今猶紛紛以爲贗書。

亢倉子出王士元尙可有疑。夫『畏壘虛』太史明謂『空言』兼隋志弗載，則唐前固絕不聞此書曷從而號之而訪之？豈士元既補之後，明皇

好道，特取而寵異其名，世遂相沿爲實，子厚亦無從攷與？

劉子新論諸家咸以劉晝孔昭。案北史晝傳：『晝好學而文辭俚拙。

嘗作賦，名六合，以示魏收。收調之曰：『賦名六合，已是大愚；及觀其賦，又愚

於名。』晝不服，又示邢劭。劭曰：『君此賦似疥駱駝，伏而無媚態。』收

輕薄吻流，不足深據；劭非誣誑人者。此書雖無甚高論，而詞頗清旨，意非晝

所能也。宋景濂謂劉勰撰者，近之。然唐志篇目不同，安知即此？蓋漢魏

六朝文士劉姓者甚多，著論以『新』名者甚衆；若此書體制，決在齊梁之間。

袁孝政云：『時人疑爲劉勰。』宋承旨直謂袁誤，蓋未詳察也。

晝傳載北史甚明。又嘗爲高才不遇傳。袁孝政序正據晝傳言之。

陳振孫謂終不知晝何代人，殊失攷。黃東發直以袁孝政作，託名于晝，則亦

未然。凡依託之書，必前代聖賢墳籍，冀以取重廣傳。畫之聲價在六朝，甚泯泯，卽孝政何苦託之。勘僞書者，此義又當察也。

『孫子十卷，陳氏解題曰：『稱晉孫綽撰；唐志及中興目皆無之，恐依託也。』案隋志有此書；意林所纂百餘語頗佳；當是綽撰。第唐志不錄，至南渡復傳，蓋本書亡逸而後人補之者。陳氏并其初疑之，亦失攷也。』

子華子稱程本，而前代絕無其目，蓋宋人假託玩世，故與阮逸宋咸輩牽合源流者小異。其書理致膚近，而持論不甚詭於道；文字亦春容雅則，至宋世一時盛傳。紫陽諸公辯之悉矣；今亦亡弗諦其僞者。以文故，世不忍廢之。於戲，秦漢名流之作湮沒何限，是書獨巍然存；又本託子華，乃子華反託

以傳而撰者姓名邈無從攷；書之傳與人之遇固各有幸不幸哉！

子華子全剽百氏成文；至章法起伏喚應，宛然宋世場屋文字；且多用王氏字說。故晁公武謂元豐舉子所作；周氏涉筆又舉『人壽幾何』等語爲紹述時人；皆近之。然姓名州里絕不可攷。朱考亭以書始出會稽，疑越人王銍，姚寬；又疑非二子所辦。余嘗參酌諸家，意此書必元豐間越中舉子姓程名本而不得志場屋者所作。蓋版出會稽，則越文類程試，則舉子義取字說，則元豐辭多拂鬱，且依託前人，則困於場屋，思以自見，又慮不能遠傳，故傳於春秋姓同而字相近者。竊謂不中不遠矣！作者有靈，固當獨快九京之下。考亭諸君子聞此，亦將相對一大噱也。（子華姓字皆有所出，惟名不經見，即撰人名本也。）

李衛公問對，其詞旨淺陋猥俗，兵家最亡足采者；而宋人以列七經，殊可笑。舊咸以阮逸僞撰，謂老蘇嘗見其草本。案逸所撰中說序及關朗傳等文，各可觀，不應鄙野至是。此書不特非衛公，亦非阮逸；當是唐末宋初，但儒村學掇拾貞觀君臣遺事，杜佑通典原文，傳以閭閻耳口。武人不知書，悅其但近，故多讀之。夫衛公在唐，誠一代元勳，然文皇將略遠出其上，非若高帝於淮陰，真弗如也。凡唐初大敵，猖獗如劉武周，強盛如竇建德，皆身取之。靖禽蕭銑，輔公祏，頡利，率自守虜，逋逃寇，不足當劉竇什一，而問對若斯耶？

唐元勳，英衛並稱；然勤非靖比也。文皇身經百戰，勤下諸人咸從行閒，惟靖特將。文皇嘗命靖教侯君集兵法。君集言靖欲反。文皇問之，靖曰：『今天下已平，臣教君集足制四夷而務盡臣術，此君集反耳。』此外殊未經見；惟遼左旋師嘗一問焉。蓋發嘆於無功，而靖所對亦一時之權，匪萬成。

之策也。文殊摩詰更互酬答，微言妙解，光照大千。於乎，二李之談兵，吾安得實聞其言，筆之以詔萬世哉！

化書六卷，稱宋齊丘撰。宋景濂曰：『齊丘子六卷，言道，術，德，仁，食，儉，六化爲甚悉。世傳爲僞唐宋齊丘子嵩作。噫，是書之作，非齊丘也，終南山隱者譚峭景升也；齊丘竊之耳！其文高簡，固微有見於道德者，非淺機小數比也。』案此書，張文潛，黃東發俱以爲齊丘撰；而景濂歸之譚峭。因攷諸仙傳，得其人錄於後。『峭，字景升，唐國子司業洙之子。師嵩山道士十餘年，得辟穀養氣之術，周遊無所不之。夏則服烏裘，冬則綠布袍。或臥於風雪霜中，經日，人謂已斃，視之氣怵怵然。因遊三茅，經建康，見宋齊丘有仙風道骨，雖溺機智而異乎黃埃稠人。遂出所著化書授齊丘曰：「是書之化，其道

無窮。願子序之，流於後世。」齊丘因奪爲己有而傳之。厥後不得其死，

宜哉！景濂之言蓋出於此。然齊丘仕南唐，而南唐又有金陵羽客譚紫

霄者能勅召鬼神，四方道流從學百餘人，於三教書皆所洞曉，嘗教其徒講莊
列，深以爲合於釋氏，則於今傳化書意旨尤若相類。二譚並與齊丘同時，一
人耶？二人耶？吾不得而知也。因景濂語，並及之。

蘇長公有廣成子解一卷，獨取莊周書「黃帝問道」一章，爲之訓釋。

晁景迂嘗難之，其書不傳。然隋志道家有廣成子十三卷，題商洛公撰而張

太衡注。攷漢書七略，道家神仙二類依託甚衆，若黃帝、伊尹、太公、兵書陰陽

則務成，容成不勝數，獨廣成不經見。而隋志驟出之；本注亦以近人所託。

攷道家，張太衡又有無名子一卷，蓋即張所撰而自注之。其書自唐後絕不

傳無復辯其是非者。

因長公所注漫及之。

卷下

黃帝內傳一卷：

晁公武云：『稱籙鏗得之衡山石屋中。』

陳振孫曰：

『誕妄不經，方士輩依託也。』

余案，神仙丹汞之籍大都依託上古帝王；漢

志方技中紛紛可見。

第秦漢人書，卽僞撰猶倍蓰後世真者。

如素問靈樞

之類咸假軒岐，亡論其術百代尊守，其文辭稚川貞白能萬一乎？

惜二書外，

餘絕不傳；而唐宋以還，怪談陋說盈布域中。

若此書今尙行世，漫識以例其

餘。

穆天子傳六卷，其文典則淳古，宛然三代范型，蓋周穆史官所記。

雖與

竹書紀年，逸周書並出汲冢，第二書所載皆訖周末，蓋不無戰國語參之；獨此

書東遷前，故奇字特多，缺文特甚。近或以爲僞書，殊可笑也。

列子稱『穆王駕八駿之乘，右服藹驪而左騶耳，右驂赤驥而左白馱；主車則造父爲御，商卨爲右。次車之乘，右服渠黃而左踰輪，左驂盜驪而右山子；柏天主車，參百爲御，奔戎爲右，馳驅千里，至於巨蒐氏之國。巨蒐氏乃獻白鵠之血以飲王，具牛馬之種以洗王之足及二乘之人。已飲而行，遂宿於崑崙之阿，赤水之陽。別日，升崑崙之丘，以觀黃帝之宮，而封之，以詔後世。遂賓於西王母，觴於瑤池之上。西王母爲王謠，王和之，其辭哀焉。乃觀日之所入，一日行萬里。王乃歎曰：「於乎，予一人不盈於德而諧於樂，後世其追數吾過乎！」案，列子此段全錄穆天子傳文；足證列子所稱黃帝等書咸有所本。昔人謂楊朱篇即古楊朱之書；此篇引穆天子傳，即以周穆王名篇，則楊朱之說信矣。或曰，鶡冠子，庚桑子，咸據莊周賈誼足成，以欺後世，穆天

子傳庸知非此類耶？曰：彼二書自莊賈引外絕不足觀；穆天子傳與列子體制不同，各極古雅，此篇奇字皆列本書所無，信知列子引穆傳，非穆傳本列子也。斯又辨贗書者所當知。

晉乘疑即竹書，余詳記之矣。元人有僞作晉史乘，楚檮杌者，吾衍子行序謂一日併得之。其書乃雜取左傳、國語、新序、說苑、中論、文莊、二伯事節約成編。宋景濂王子充謂即衍撰。蓋眇人作此玩世，而元士之淺陋亦可見矣。（近又有妄人僞作黃叔度書者，尤極大可笑。本無可辯，以二書陋頗相近，漫及之。）

山海經，古今語怪之祖。劉歆謂夏后伯翳撰；無論其事，即其文與典謨，禹貢迥不類也。余嘗疑戰國好奇之士本穆天子傳之文與事而侈大博極。

之；雜傳以汲冢紀年之異聞，周書王會之詭物，離騷天問之遐旨，南華鄭圃之寓言，以成此書。而其敘述高簡，詞義淳質，名號俾詭，絕自成家。故雖本會萃諸書，而讀之反若諸書之取證乎此者，而實弗然也。穆天子傳至晉始出，而此書漢世獨完，緣是前代文人率未能定其先後。余首發之於此，俟大雅君子商焉。

山海經本書不言禹益撰。劉歆校定，以爲『禹任土作貢，而益等類物善惡，著山海經』。蓋億度疑似之言。趙曄吳越春秋因禹登會稽，遂撰爲『金簡玉字』之說。曄，東漢人，在劉歆後，其僞無疑。讀者但以『禹益治水不當至海外；而怪誕之詞，聖人所不道』以破之，而不據其本書。案經稱『夏后啓』事者三，又言『殷王子亥』，又言『文王墓』，凡商周之事不一而足。晁氏但疑『長沙』『桂林』數郡名及『鯀涇息壤』等文。夫鯀事，

固禹益所祀，商周皆從知之也。此書蓋用太史公因禹錄九鼎，圖象百物，使民入

山林川澤，備知神靈之說，故所記多魑魅魍魎之類，而於禹爲特詳。

始余讀山海經，而疑其本穆天子傳，雜錄離騷，莊，列傳會以成者；然以出於先秦，未敢自信。載讀楚辭辨證云：『古今說天問者皆本山海經，淮南子今以文意攷之，疑此二書皆緣天問而作。』則紫陽已先得矣。然經所紀山川神鬼，凡離騷，九歌，遠遊，二招中稍涉奇怪者，悉爲說以實之，不獨天問也；而其文體特類穆天子傳，故余斷以爲戰國好奇之士取穆王傳，雜錄莊，列，離騷，周書，晉乘以成者。自非熟讀諸書及此經本末，不易信也。後世必有以余爲知言者。

經載『叔均方耕，』『謹兜方捕魚，』『長臂人兩手各操一魚，』『豎亥右手把算，』『羿執弓矢，鑿齒執盾，』此類皆與紀事之詞大異。近世坊

閒戲取山海經怪物爲圖。意古先有斯圖，撰者因而紀之，故其文義應爾。及讀王伯厚王會補傳，引朱子曰：『山海經記諸異物飛走之類，多云「東向」，或云「東首」，疑本依圖畫而述之。古有此學，如九歌、天問，皆其類。』余意頓爾釋然。甚矣紫陽之善讀書也！即此文義之閒，古今博雅所未究，而獨能察之，況平生精力萃於經傳者，可淺窺乎！（陶「泛覽周王傳，流觀山海」，則知此經古有圖也。）

宋刻稱張僧繇畫。

古人著書，即幻設必有所本。山海經之稱禹也，名山大川，遐方絕域，固本『治水，作貢』之文；至異禽詭獸鬼蜮之狀，充斥簡編，雖戰國浮誇之習，乃禹貢則亡一焉，而胡以傳合也？偶讀左傳，王孫滿之對楚子曰：『昔夏之方有德也，遠方圖物，貢金九牧，鑄鼎象物，百物而爲之備，使民知神姦；故民入川澤山林，魑魅魍魎，莫能逢之。』不覺洒然擊節曰：此山海經所由作乎！蓋是

書也。其用意一根於怪，所載人物靈祇非一，而其形則若魍魎之屬也。攷王孫之對雖一時辨給之談，若其所稱圖象百物之說必有所本。至於周未，離騷、莊列輩其流遂不可底極，而一時能文之士因假穆天子傳之體，縱橫附會，勒成此書，以傳於『圖象百物』之說，意將以禹益欺天下後世，而適以誣之也。自此書之行，古今學士但謂非出大禹而已，而未有辯其本於穆滿之文者，尤未有察其本於王孫之對者。區區名義之末誠非大體所關，然亦可見古今事理，第殫精索之，卽千載以上無弗可窮也。作者有靈，其將爲余絕倒於九京也哉？

古岳瀆經第八卷，李公佐元和九年泛洞庭，登包山，入靈洞得之。奇字蠹毀不能解。其後周焦君詳之云，『禹治淮水，三至桐柏山，驚風迅雷，水號

木鳴，土伯擁川，天老肅兵，功不能興。禹怒，召百靈，授命夔龍。桐柏等山君，長稽首請命。禹因囚鴻蒙氏，彰商氏，兜氏，盧氏，犁婁氏，乃獲淮渦水神名無支祈，善應對言語，辯江淮之深淺，原隰之遠近，形若猿狔，縮鼻高額，青軀白面，金目鬚牙，頸伸百尺，力逾九象，搏擊騰越，疾利倏忽，視不可久。禹授之童律，童律不能制，授之烏木由，烏木由不能制，授之庚辰，庚辰能制。鷓脾桓胡，木魅水靈，山妖石怪，奔號叢繞者以千數，庚辰以戰，遂去。頸瑣大械，鼻穿金鈴，徙之淮陰龜山之足，俾淮水永安。案此文出唐小說，蓋即六朝人踵山海經體而贗作者；或唐文士滑稽玩世之文，命名岳瀆可見。以其說頗詭異，故後世或喜道之。宋太史景濂亦稍隱括集中，總之以文爲戲耳。羅泌路史辯有無支祈，世又譌禹事爲泗洲大聖，皆可笑。近衡岳禹碑盛傳，其文體稍古；然與虞夏諸書迥不類，恐亦好事所遺也。

燕丹子三卷，當是古今小說雜傳之祖。然漢藝文志無之。周氏涉筆謂太史荆軻傳本此。宋承旨亦以決秦漢人所作。余讀之，其文彩誠有足觀，而詞氣頗與東京類。蓋漢末文士因太史慶卿傳增益怪誕爲此書，正如越絕等編掇拾前人遺軼而託於子胥，子貢云耳。周氏謂『烏頭白，馬生角』、『膾千里馬肝』、『截美人手』皆太史削之，非也。惟首二事出遷贊語，自餘雖應劭王充嘗言，悉不可信。景濂亦似未深攷。且書果太史所本，漢藝文志乃遺之乎？漢志有荆軻論五篇，燕丹必據此增損成書者。

隋志有宋玉子一卷，亦列小說家；并燕丹子皆漢志所無。二書必一時同出，僞無疑也。唐尙存，今不傳。

神異經，十洲記，俱題東方朔撰，悉假託也。其事實詭誕亡論，即西漢人文章有此類乎？漢志有東方朔二十篇，列雜家，今不傳，而二書傳。甚矣，世好奇者衆也！

趙飛燕外傳，稱河東都尉伶玄撰。宋人或謂爲僞書，以史無所見也。然文體頗渾朴，不類六朝。『禍水滅火』事，司馬公載之通鑑，誠怪；如以詩文士引用爲疑，則非懸解語也。玄本傳自言『見誦史氏』，當是後人所加。

越絕書十五卷，稱子貢，亦曰子胥，並依託也。楊用脩據後序『以「去」爲姓，得「衣」乃成』等語，謂東漢人袁康作。案魏伯陽參同契後序『

鄒國鄙夫』等句亦寓會稽魏某姓名，而孔文舉『漁父屈節』十六言亦離合『魯國孔融』四字，蓋東漢末盛爲此體，用脩之論或不誣也。第書稱越絕，昔人以終不可解。余案，前代書名往往有鄙拙可笑者，如常璩記漢事而名漢之書，杜預彙集古文而名善文，謝靈運采輯衆詩而直云詩集，又釋典維摩詰所說經，雖書並不刊，其名總之不可法也。

劉炫魯史記，今不傳。炫經術冠絕，史筆或非其任，而博學強識，時莫與倫；且隋世古書存者尙夥，炫所采錄必多，可補前史之缺。惜亡從見之矣。

西京雜記，世以葛洪僞撰，余詳辯之矣。或又以爲吳均者，無他據，止西陽雜俎記六朝人欲用西京雜記事，既而中止，曰『此吳均語，恐不足用。』

然洪序篇末甚明，安知非雜俎誤。又述異記，晁公武謂任昉作，而唐志稱祖同，晁以爲非。然隋志無昉書，而有祖沖之撰者十卷，竟未知孰是也。

列仙傳三卷：

陳振孫云，『傳凡七十二人，每傳有贊，似非向撰，西漢人文章不爾也。』余案，漢書藝文志，『劉向所叙六十七篇，』止新序說苑，世說，列女傳而無此書。七略，劉歆所定，果向有此書，班氏決弗遺，蓋僞撰也。當是六朝閒人，因向傳列女，又好神仙家言，遂僞撰託之。其書既不得爲真，則所傳之人，恐亦未必皆實。攷此傳，孫綽及郭元祖各爲贊，非六朝則三國無疑也。

弘明集有牟子論三十七篇，題漢末牟融撰。案隋志，儒家有牟子二卷，

稱漢太尉牟融，攷後漢書有融傳，在漢明前，其時佛法固未入中國。今其書已亡。而弘明牟子論序稱「靈帝時遭世亂離，著書不仕，精研佛道，撰理惑論三十七篇」，其非儒家牟子明甚。且隋唐諸志並無此書。嘗疑六朝晉宋間文士因儒家有牟子，僞撰此論以左右浮屠。讀其文雖猥淺，而詞頗近東京。意原錄釋藏中，故隋志不載，若參同契之屬。然伯陽姓名，唐以前傳記昭灼，而融諸論絕不聞援引，可疑也。

洞冥記四卷，題郭憲子橫，亦恐贗也。憲事世祖，以直諫聞，忍描飾漢武東方事以導後世人君之欲！且子橫生西京末，其文字未應遽爾。蓋六朝假託，若漢武故事之類耳。
（後漢書，憲列方技類，後人蓋緣是託之。）

漢武內傳，不著名氏。詳其文體，是六朝人作，蓋齊梁間好事者爲之也。所載諸仙女名，詩家多用；上元夫人蓋本此。阿環者，上元名。介甫雪詩，「瑤池渺漫阿環家。」方萬里謂「阿環，王母名。」王方二子俱誤。子瞻「玉樓銀海」句，格自佳，而據道書「玉樓爲肩，銀海爲眼」，以「起粟生花」襯之，遂墮千古惡道。學詩者不可不知。

拾遺記稱王嘉子年，蕭綺傳錄，蓋即綺撰而託之王嘉。中所記無一事實者。皇娥等歌，浮豔淺薄，然詞人往往用之，以境界相近故。又名山記亦贗作，今不傳。

梁四公記，今載太平廣記中。撰人或曰沈約，或曰張說，又稱梁載言。

余攷隋志無此書，蓋唐人僞撰，託之沈約，張說者也。

（案名疑據姓譜，以梁爲七

國之梁，四公子皆公族也。四公記以皆沙門。）

隋遺錄，一名南部烟花錄。文絕鄙俗，而稱顏師古，殊可笑也。傳者蓋僅十二三云。

開元天寶遺事稱王仁裕，容齋隨筆辯之詳矣。余案仁裕爲僞蜀學士，所著有玉堂閒話，今尙載廣記中；而開元遺事絕不經見。其書淺俗鄙陋，蓋效陶氏清異錄而愈不足觀者。仁裕能詩，西江集至萬首，今一二散見閒話中，雖卑弱尙可吟諷，書事亦清婉，但乏氣骨，不應至是。第以淺陋故，世或好之，今尙傳云。

廣陵妖亂志，陳振孫云，『唐鄭廷誨撰。』余記一雜說云，『羅隱昭諫嘗謁高千里，不得志，故極言詆毀，與駢始末太不相倫。』此言或自有謂。駢釋賊不擊，誠可誅；志中述其惑於諸呂，若喪心之極者，未必盡爾也。溫公通鑑全據此書，豈宋世用事羣小以史事謗涑水，故唐末五代不及致詳耶？又唐人評隱以落魄故好訕謗之詞，此說蓋有自來。

瀟湘錄，唐人志怪中最鄙誕者。諸家或以爲李隱，或以爲柳詳。其書本諧謔，不必辨。

牛羊日厓，諸家悉以劉軻撰。其書記牛僧孺，楊虞卿等事，故以此命名。

案軻本浮屠，中歲慕孟軻爲人，遂長髮，以文鳴一時。即紀載時事，命名詎應乃爾！必贊皇之黨，且惡軻者爲之也。案通鑑注引作皇甫松；松有恨僧孺，見傳，或當近之。

龍城錄，宋王銍性之撰，嫁名柳河東。銍本意假重行其書耳；今其書竟行而子厚受誣千載。余嘗笑河東生平扶駿僞書，如鬼谷、鷄冠等，千百載上無遁情，真漢庭老吏；日後乃身爲宋人，誣衊不能辯，大是笑資。然亦亡足欺識者也。

銍又有續樹萱錄，凡三事：曰元撰，曰全若虛，曰賈博論。據洪氏隨筆，元撰一事全錄秦少游詩，則二事可例推。銍所自撰，又有默記等，略載陶氏說郭。銍能力辯魏泰碧雲駮之誑，不可謂非端士，而躬自蹈之。然遊戲筆端

差彼善也。朱紫陽曰：『玉銜性之，姚寬令威，多作贋書，』見文公子華子辯。案姚氏贋書今不可見，惟西溪叢語尙行。（樹堂錄本見唐志，宋世不存，而劉焯無言者補之，蓋亦僞書也。）

白猿傳，唐人以謗歐陽詢者。詢狀頗瘦削，類猿猱，故當時無名子造言以謗之。此書本題『補江總白猿傳』，蓋僞撰者託總爲名，不惟誣詢，兼以誣總。噫，亦巧矣！率更，世但貴其書，而不知其忠孝節義學問文章，皆唐初冠冕；至今瞭然史策，豈此輩能污哉！率更子通亦矯矯父風，而皆爲書名所掩。余所惜歐氏不在彼也。

周秦行紀，李德裕門人僞撰以搆牛奇章者也。中有『沈婆兒作天子

『等語所爲根蒂者不淺。獨怪思黯羅此巨謗，不亟自明，何也？』牛李二黨曲直，大都魯衛閒。牛撰玄怪等錄，亡隻詞構李；李之徒顧作此以危之。於戲，二子者用心觀矣！牛迄功名終，而子孫累葉貴盛；李挾高世之才，振代之績，卒淪海島，非忌克伎害之報耶！輒因是書，播告夫世之工譖愬者。（周秦行紀，章瓊撰。）

碧雲騷，撰稱梅堯臣，實魏泰也。晁公武云：『泰，襄陽人，無行，有口。元祐中，紀其少時聞見成此編。心信章惇，數稱其長，則大概見矣。』又王銍云：『魏泰場屋不得志，喜僞作他人著書，如志怪集，括異志，倦游錄，盡假名武人張師正；又不能自抑，出姓名作東軒筆錄；皆私喜怒誣讎前人。最後作碧雲騷，議及范仲淹，而天下駭然不服矣。』余嘗笑唐人作僞書而其名隱，宋

人作偽書而其名彰，然無益於偽則一也。宋人好作偽經者，阮逸，僞子者，宋咸，僞說者，惠洪，諸人皆無害於名教，世猶以僞訾之。而以秦之顛倒白黑，而碧雲駸迄今傳，何也？

雲仙散錄，題馮贄撰，共八卷。昔人皆以爲僞，洪景盧尤斥之。余讀其前六卷，所引諸雜說無一實者；蓋僞撰其事，又僞撰書名實之。至末二卷所引，則諸書大半尙存於今，胡以云悉誕也？第二卷外書，名雖誕，所記率俊事雅談，於朝廷政事，人士品流，一無干預；創撰書名亦皆以文爲戲，如脩竹，大蘭，杜康，毛穎耳；非有害於世及誑誤後學，若碧雲駸，老杜事實等書也。

清異錄二卷，陶穀撰。或以文不類宋初者，恐未然。此書命名造語皆

頗入工，恐非穀不能；但雲仙間有紀事志怪處，此則全主滑稽耳。擬諸李商隱之雜纂，亦何減也。近時文章大家間亦用之：若『髭聖』之號，王長公以題哀冊文矣。

艾子，世傳蘇長公作。子瞻生平善俳諧，故此類率附之。宋人贊坡『嘻笑，怒罵，皆成文章』，豈筆之於書，淺俚若是乎！然此書已見文獻通考，蓋亦出於宋世，非後人所託也。何語林記坡調劉貢父避孔子塔語，不若『大風起兮眉飛揚，安得猛士兮守鼻梁』語尤劇；而何不收。以論艾子，漫及之。

鍾呂傳道集，稱唐施肩吾撰。案肩吾，唐中晚間詩人，而純陽、呂渭之孫，視肩吾爲晚出，不應預記其事。又太平廣記載神仙最衆，獨無所謂鍾呂者；

而所引小說數百家，即五代杜光庭仙傳拾遺之類，亡弗收采，獨亡所謂傳道集者。而至宋始有之。蓋鍾呂雖自稱唐人，而其迹皆顯於宋；一時方士神其說，遂託唐人姓名以紀之。或疑此書別有一施肩吾果爾，亦當見於廣記，不應宋世驟出。并今所傳純陽集，俱僞作無疑也！唐人最喜述神怪，而鍾之事一亡傳者，其至宋始著可見。

香奩集，沈存中尤延之並以和凝作。凝少日爲此詩，後貴盛，故嫁名韓偓；又不欲自沒，故於他文中見之。今其詞與韓不類，蓋或然也。方氏律髓以偓同時吳融有此題爲譌。不知此正凝假託之故；不然，胡以弗託之温韋諸子而託之偓？葉少蘊以爲韓熙載，則姓與事皆近之。總之，俱五代耳。葉以不當見唐志爲疑；此不然。唐志如羅隱、韋莊、劉昭、禹真，皆五代人也。

詩話僞者尤衆。魏文詩格而述沈約，李贇詩評而引昌齡，皆不足辯。今惟樂天，聖俞二金針傳，盡假託也。詩解若歐蘇杜註等，尤僞。前人詳覈，不復贅陳云。

僞書出於唐後而名理可味者，關尹也；而齊丘近之。僞書出於宋後而文采可觀者，子華也；而亢倉逾之。文子真而時有僞者，鶉冠僞而時有真者；以二書全僞，非也。素問精深，陰符奇奧，雖非軒后，非秦後書。

僞書多怪字者，亢倉，元包，乾坤繫度；而穆天子多怪字而弗害其爲古書。僞書多傳文者，同極，子華，三墳，黃石；而列禦寇多傳文而弗害其爲古書。惟

其非僞，則愈遠愈近，愈離愈合；惟其僞，則愈近愈遠，愈合愈離。王長公云：「僞者多援少倍，多拘少鐵。」

元經出阮逸，世以即阮逸也。孔叢出宋咸，人以即宋咸也。朱紫陽以

麻衣出戴師愈。黃東發以文子出徐靈府。宋景濂以關尹子出孫定。王

元美以元命包出張昇。獨三墳亡，謂出毛漸者，余知其漸出無疑也。漸所

作三墳序，其詞實淺陋與書合。故覈僞書者，覈所出之人，思過半矣。或曰，

若子言，世得論衡，將益爲中郎之秘，獨奈何令人好古也？噫，尙書出孔壁，世

以僞詆安國乎？竹書出汲冢，世以僞姍束皙乎？列子過江始傳，世以爲張

湛僞乎？惟其是而已。

凡覈僞書之道：覈之七略以觀其源；覈之羣志以觀其緒；覈之並世之言以觀其稱；覈之異世之言以觀其述；覈之文以觀其體；覈之事以觀其時；覈之

撰者以觀其託；覈之傳者以觀其人。覈茲八者，而古今賸籍亡隱情矣。

凡四部書之僞者，子爲盛，經次之，史又次之，集差寡。凡經之僞，易爲盛，緯候次之。凡史之僞，雜傳記爲盛，璅說次之。凡子之僞，道爲盛，兵及諸家次之。凡集，全僞者寡，而單篇別什借名竄匿甚衆，於別編詳之。

大率秦漢以還，書若三易（連山，歸藏，子夏）三墳，六韜，七緯，關尹，子華，

素書，洞極，李靖問答，麻衣心法，武侯諸策，王氏諸經，全僞者也。列禦寇，司馬

法，通玄經，真錯以僞者也。黃石公，鷄冠子，燕丹子，僞錯以真者也。管仲，晏

嬰，文中，真僞錯者也。元包，孔叢，潛虛，真僞疑者也。鬻熊，殘也；亢倉，補也；繁

露，譌也；皆不得言僞也。素問，握奇，陰符，山海，其名譌也，其書非僞也。穆天

子傳，周書，紀年，其出晚也，其書非僞也。即以僞乎，非戰國後也。餘亡足辯

矣。（黃石，鷄冠，燕丹，蓋後人雜取戰國他書之文，易其名號爲此，非謂真三子作

也。）

宋黃長容辯閣帖僞者幾半於真。余讀秦漢諸古書，覈其僞幾十七焉。世之論書者或以長容爲刻，而不能不服其精。余爲此辯，後世得無以罪長容者罪予也？然余率本前人遺議，稍加詳密，開折其衷耳。且夫人之始撰也，慮其書弗傳也而託焉；託而傳矣，而其名竟沒沒，有不悔其始之託焉者乎？余會萃諸家，暴而顯之，託者固以亡沒其實，所託者亦以亡受其疑，皆未爲不厚幸也。至有舛而弗經，謬而亡徵，而偃然藉是行其說於天下後世，則余之喋喋詎得已哉！

（右余讀諸子辯。）

印行辨偽叢刊緣起

研究歷史，首須審查史料以去偽存真。一切文籍器物莫非史料，莫不待審查，故考訂之學興焉。我國古籍至繁，偽者亦衆，苟不於著作人、著作時代及其所記者之然否一一辨明之，則偽品得以肆其欺罔，作史者必將錯認虛言以爲實事，而舉世之人胥受其愚矣。

前代學者對於此等問題之討論積累已多，惜其散在各書，不易檢覽。民國十年，胡適之、錢玄同、顧頡剛諸先生創議編輯辨偽叢刊，欲將零星材料薈萃一編，以鼓起學術界審查史料之勇氣。八載以來，所搜輯者已得數百萬言，並集合各種本子加以校勘，期於寫成定本。積稿隱身，未付剞劂。今由敝社約定，陸續刊行。自本年冬間起，至少月出一種。

此書編纂有如其他叢書，一仍原著之舊。惟對於大部書之不盡關於辨偽者，則摘錄之。至單本小冊，雖不盡關於辨偽，而一加刪削，將致零星不成書者，姑舉全文刊之。

將來此叢刊告一結束之後，當重事編纂，以所辨之書爲綱，以歷代各家之辨說爲目，庶偽迹受十手之指而無所遁形，且以見後人研究方法之精密及其功力之深邃，蓋如何突過于前人也。

民國十八年九月，樸社啓。

辨偽叢刊已出二種

子略

實價三角五分

宋高似孫著，顧頡剛校點。此係高氏讀子書時之筆記，有爲一書作提要者，有考證其真偽及批評其思想者。宋濂之作諸子辨，卽承其風。原書向無單行本，今以百川學海本作底，而以四庫全書本及文獻通考內經籍考所徵引者校之，允稱佳槧。

諸子辨

(三版)

實價二角五分

明宋濂著，顧頡剛校點。此書原刊宋學士全集中，世無單行本，知者不多。所論諸子書，自周迄宋，凡四十種，推勘其篇目，作者，思想淵源，發生影響，有極精密之議論。顧氏用四種本子合校付刊，就本書言，亦爲最精之本。

中華民國十八年九月初版（一千冊）

實價大洋三角

外埠酌加郵費

著者 胡應麟

校點者 顧頡剛

出版者 樸社

印刷者 北京書局
南池子飛龍橋十三號

總發行所 北平景山東街十七號
樸社出版經理部

總經售處 北平景山東街十七號
景山書社

四部正譌



目書版出部理經版出社樓

古史辨第一冊 甲種實價二元四角

(四版，顧頡剛著) 乙種實價一元八角

子略(高似孫著) 實價三角五分

諸子辨(三版，宋濂著) 實價二角五分

戴氏三種(再版，戴震著) 定價八角

西行日記(陳萬里著) 實價八角

三訂國學用書撰要(李笠著) 實價五角

國學月報彙刊第一卷 實價八角

國學月報彙刊第二卷 實價一元

國學月報王靜安先生專號 實價四角

歐洲哲學史上卷(徐炳昶譯) 實價一元

生命之節律(秋士譯) 實價三角五分

哲學評論(第一卷) 實價一元五角

社會學上之文化論(孫本文著) 實價三角

文化與政治(許仕廉著) 實價一元二角

國內幾個社會問題的討論 實價一元二角

(許仕廉著) 實價二元三角

社會學界(第二卷) 實價一元

普通生物學(經利彬著) 實價一元二角

達爾文以後生物學上諸大問題(周太玄譯) 實價五角

原子新論(何道生譯) 實價四角五分

陶庵夢憶(張岱著) 實價五角

聊齋白話韻文(蒲松齡著) 實價五角

容湖(期角，羅慕華編) 實價三角五分

歧路燈第一冊(李綠園著) 實價八角

粵風(李調元編) 實價一角五分

文品彙鈔(郭紹虞編) 實價

四六叢話敘論(孫梅著) 實價二角五分

論文雜記(劉師培著) 實價三角

人間詞話(三版，王國維著) 實價二角

張玉田(馮沅君編) 實價一元二角

中國文學概論(陳彬龢譯) 實價三角五分

憶(小詩集，俞平伯著) 實價一元

劍鞘(葉紹鈞俞平伯著) 定價一元

玉君(四版，楊振聲著) 定價五角

初日樓少作(嚴既澄著) 定價三角

燈花仙子(孟堯松著) 定價三角

髭須(李青崖譯) 定價四角

溫德米爾夫人的扇子 甲種實價五角

軍人之福(楊丙辰譯) 乙種實價三角五分

佛西論劇(熊佛西著) 實價八角五分

怎樣認識西方文學及其他 實價五角五分

(采真譯) 實價五角

注意：欲得本社詳細書目及景山書社書目者，請賜函示知地址，當即奉寄。